



**LAPORAN LIPUTAN MEDIA HARIAN
RABU 25 JANUARI 2023**

BIL	TAJUK KERATAN AKHBAR	KEMENTERIAN / JABATAN / AGENSI
1. 2. 3. 4. 5.	SEBANYAK 21 LADANG BABI DI PULAU PINANG DIJANGKITI ASF, NEGERI P.PINANG, SH -27 21 LADANG BABI DI PULAU PINANG DIJANGKITI ASF, NEGARA, KOSMO -15 TIGA LAGI LADANG BABI REKOD KES BAHARU ASF, NASIONAL, BH -16 TIGA LAGI LADANG BABI DIJANGKITI ASF, LOKAL, HM -11 ASF CASES REPORTED IN 3 MORE PIG FARMS IN SEBERANG PRAI, NEWS, NST -8	KEMENTERIAN PERTANIAN DAN KETERJAMINAN MAKANAN (MAFS)
6.	KUNJUNG LKIM, BINCANG MASA DEPAN NELAYAN TERJEJAS, MELAKA, HAKAKAH -H7	LEMBAGA KEMAJUAN IKAN MALAYSIA (LKIM)
7. 8.	AGROBANK ANJUR KEMPEN BANTU 40 PELAJAR, BISNES, HM -23 AGROBANK BANTU PELAJAR B40, NIAGA, KOSMO -38	AGROBANK
9. 10. 11. 12.	'ABOLISHING EGG IMPORT APs UNSUSTAINABLE', NEWS, NST -7 BEKALAN AYAM BAKAL SUSUT 40%, DALAM NEGERI, UM -12 BEKALAN TELUR AYAM KIAN PULIH, NEWS, SELANGOR KINI -17 MENCEDUNG PADI, DALAM NEGERI, UM -6	LAIN-LAIN

UKK MAFS

UNIT KOMUNIKASI KORPORAT
KEMENTERIAN PERTANIAN DAN KETERJAMINAN MAKANAN
(UNTUK EDARAN DALAMAN MAFS, JABATAN DAN AGENSI SAHAJA)

25/1/2023

SINAR
HARIAN

NEGERI

27

PULAU PINANG

Sebanyak 21 ladang babi di Pulau Pinang dijangkiti ASF

GEORGETOWN - Tiga lagi ladang babi di Pulau Pinang disahkan dijangkiti penyakit demam babi Afrika (ASF) menjadikan jumlah keseluruhan ladang yang terlibat ialah 21 buah.

Ketua Menteri Pulau Pinang, Chow Kon Yeow berkata, kesemua ladang tersebut terletak di tiga daerah iaitu Seberang Perai Tengah (SPT), Seberang Perai Utara (SPU) dan Seberang Perai Selatan (SPS).

Bagaimanapun, menurut Kon Yeow, jumlah babi yang dimusnahkan masih berjumlah 4,204 ekor seperti yang dilaporkan pada 19 Januari lalu.

"Setakat Isnin, saya belum dapat sebarang maklumat terkini mengenai jumlah ladang yang positif ASF. Sehingga Ahad, sebanyak 21 ladang disahkan dijangkiti virus tersebut.

"Jumlah babi yang dilupuskan masih sama iaitu lebih 4,000 ekor. Virus ini mudah merebak seperti yang diumumkan sebelum ini, sebab itu, banyak ladang yang dijangkiti," katanya ketika dihubungi pada Isnin.

Kon Yeow menambah, pihak Jabatan Perkhidmatan Veterinar (JPV) sedang giat membuat persiapan untuk meneruskan proses pelupusan babi yang disahkan positif ASF.

"Pemilik ladang perlu memaklumkan kepada JPV bilangan babi yang mereka



KON YEOW

“

Pemilik ladang perlu memaklumkan kepada JPV bilangan babi yang mereka ada, dan JPV akan memeriksa jumlah babi bagi memastikan ia dijangkiti atau tidak.”

ada, dan JPV akan memeriksa jumlah babi bagi memastikan ia dijangkiti atau tidak.

"Mengenai pampasan, ia akan diuruskan oleh JPV. Oleh itu, pemilik ladang perlu tampil bersama JPV untuk mengira jumlah babi dalam ladang. Selepas JPV mengesahkan jumlah babi yang dijangkiti, proses pelupusan akan dijalankan.

"Selepas itu, baru pemilik ladang boleh kemukakan tuntutan mereka mengikut jumlah babi yang dilupuskan. Disebabkan itu, pemilik ladang perlu memaklumkan kepada JPV bagi membolehkan mereka melakukan tuntutan," katanya.

Khamis lalu, dilaporkan penyakit ASF telah merebak dengan lebih luas di Pulau Pinang dengan penambahan tujuh ladang ternak babi lagi menjadikan 18 ladang di tiga daerah di negeri ini disahkan positif.

Ia membabitkan 14 ladang di SPS serta masing-masing dua di SPT dan SPU.

21 ladang babi di Pulau Pinang dijangkiti ASF

GEORGE TOWN – Penyakit Demam Babi Afrika (ASF) di Pulau Pinang semakin merebak dengan 21 ladang babi komersial kini dikesan positif wabak itu setakat kelmarin.

Ketua Menteri Pulau Pinang, Chow Kon Yeow berkata, kesemua ladang yang dikesan positif penyakit ASF itu terletak di tiga daerah iaitu Seberang Perai Tengah (SPT), Seberang Perai Utara (SPU) dan Seberang Perai Selatan (SPS).

"Setakat semalam secara keseluruhan, sebanyak 21 ladang babi disahkan positif ASF.

"Virus ini cepat merebak dan disebabkan itu, banyak ladang dijangkiti. Setakat ini, jumlah babi yang dilupuskan adalah 4,000 ekor dan kita sedang meneruskan usaha memusnahkan babi-babi yang dijangkiti," katanya di sini semalam.

Sebelum ini, pada 13 Januari lalu, Pulau Pinang mengisytiharkan wabak ASF di negeri itu seba-

gai 'bencana' selepas kes dilaporkan di 11 ladang babi komersial di daerah SPS dan SPT, melibatkan 25,000 ekor babi.

Pemusnahan dilakukan dengan gas karbon dioksida dan mengikut Kod Amalan Kebajikan Haiwan dan garis panduan Pengurusan Pelupusan Haiwan sebelum bangkai ditanam.

Berdasarkan data bancian Jabatan Perkhidmatan Veterinar (JPV) negeri, terdapat 124 ladang ternakan babi di Pulau Pinang membabitkan jumlah keseluruhan 267,348 ekor babi.

Menurut Kon Yeow, pemilik ladang babi terjejas perlu segera melaporkan perkara itu kepada JPV bagi urusan pembayaran pampasan dan pelupusan babi yang terkesan dengan penyakit ASF.

"Mereka mesti sahkan bilangan babi terlibat dengan JPV dan mulakan pelupusan, kemudian kemukakan tuntutan pampasan," katanya.



KON YEOW (kanan) mendengar penjelasan mengenai wabak ASF yang menyerang ladang babi di Perkampungan Valdor, SPS baru-baru ini.

TARIKH	MEDIA	RUANGAN	MUKA SURAT
25/1/2023	BERITA HARIAN	NASIONAL	16

Tiga lagi ladang babi rekod kes baharu ASF

Georgetown: Tiga lagi ladang babi di Pulau Pinang merekodkan kes baharu jangkitan penyakit demam babi Afrika atau 'African swine fever' (ASF), menjadikan jumlah keseluruhan ladang terkesan wabak itu kepada 21 setakat ini.

Ketua Menteri, Chow Kon Yeow, berkata kes jangkitan ASF masih membabitkan ladang di Seberang Perai Utara (SPU), Seberang Perai Tengah (SPT) dan Seberang Perai Selatan (SPS) setakat kelmarin.

"Seperti diumumkan dahulu, ASF adalah virus yang senang merebak menjadikan jumlah ladang yang terbabit 21 berbanding 18 sebelum ini.

"Namun untuk mengatakan keadaan bertambah buruk, terdapat ladang yang didapati negatif ASF hasil ujian saringan yang dilakukan jadi situasi ini akan dipantau secara berterusan," katanya kepada media, di sini semalam.

Pemohonan pampasan

Kon Yeow memaklumkan dalam tempoh ini sejumlah 4,204 ekor babi daripada empat ladang di SPS selesai dilupuskan sepenuhnya.

Beliau berkata pemilik ladang terbabit perlu tampil te-

rutamanya bagi tujuan permohonan pampasan yang akan diuruskan pihak Jabatan Perkhidmatan Veterinar (JPV).

"Dalam dua tiga hari ini kita akan buat persiapan meneruskan usaha (pelupusan babi) jadi penternak perlu tampil kerana sudah diumumkan ada pakej pampasan.

"Jadi mereka perlu memaklumkan kepada JPV untuk mengesahkan bilangan ternakan yang dilupuskan baru boleh mengemukakan tuntutan.

"Lagipun ini adalah wabak yang perlu dimaklumkan apabila berlaku dan ia turut termaktub di dalam akta dan wajib dilaporkan sekiranya ada kes jangkitan dalam ladang," katanya.

Difahamkan nilai pampasan babi dewasa bernilai antara RM400 dan RM800 dengan penternak perlu memenuhi syarat-syarat tertentu.

Khamis lalu media melaporkan sebanyak 18 ladang babi dengan jumlah 48,194 ekor babi terjejas akibat ASF di negeri ini.

Berdasarkan rekod, terdapat sejumlah 124 ladang ternakan babi beroperasi di Pulau Pinang iaitu sejumlah 64 di SPU, 52 di SPS, empat di SPT dan empat di bahagian pulau membabitkan sejumlah 267,348 ekor babi.

25/1/2023

HARIAN
METRO

LOKAL

11

Tiga lagi ladang babi dijangkiti ASF

Georgetown: Tiga lagi ladang babi di Pulau Pinang merekodkan kes baharu jangkitan wabak demam babi Afrika (ASF) menjadikannya jumlah keseluruhan ladang terkesan wabak itu kepada 21 setakat ini.

Ketua Menteri, Chow Kon Yeow berkata, kes jangkitan ASF masih memabitkan ladang di Seberang Perai Selatan (SPS), Seberang Perai Tengah dan Seberang Perai Selatan (SPS) setakat semalam.

"Kini wabak merebak menjadikan jumlah ladang yang terabit kepada 21 berbanding 18 sebelum ini.

"Namun, untuk mengatankan keadaan bertambah buruk tidak juga kerana terdapat ladang yang didapati negatif ASF hasil ujian sa- ringan yang dilakukan. Jadi, situasi ini akan dipantau secara berterusan," katanya kepada pemberita di sini semalam.

Kon Yeow memaklumkan setakat ini sebanyak 4,204 babi dari empat ladang di SPS selesai dilupuskan se- penuhnya.

Beliau berkata, pemilik ladang terabit perlu tam-



KON YEOW

pil terutama bagi tujuan permohonan pampasan yang akan diuruskan Jaba-

tan Perkhidmatan Veteri- nar (JPV).

"Dalam dua tiga hari ini kami akan buat persiapan meneruskan usaha (pe- lupusan babi), jadi penter- nak perlu tampil kerana su- dah diumumkan ada pakej pampasan.

"Jadi, mereka perlu me- maklumkan kepada JPV un- tuk mengesahkan bilangan ternakan yang dilupuskan baru boleh mengemukakan tuntutan.

"Lagipun ini wabak yang perlu dimaklumkan apabila

Difahamkan nilai pampa- san babi dewasa bernilai antara RM400 dan RM800 dengan penternak perlu memenuhi syarat-syarat tertentu.

Khamis lalu media me- laporkan sebanyak 18 la- dang babi dengan jumlah 48,194 babi terjejas akibat ASF di negeri ini.

Berdasarkan rekod, ter- dapat sejumlah 124 ladang ternakan babi beroperasi di Pulau Pinang iaitu se- jumlah 64 di SPU, 52 di SPS, empat di SPT dan em- pat di bahagian Pulau me- libatkan sejumlah 267,348 babi.

18

Jumlah ladang babi dengan catatan 48,194 babi terjejas akibat ASF di Pulau Pinang

berlaku dan ia turut ter- maktub dalam akta dan wa- jib dilaporkan sekiranya terdapat kes jangkitan da- lam ladang," katanya.

DVS PLANS MORE CULLING

ASF cases reported in 3 more pig farms in Seberang Prai

GEORGE TOWN: Another three pig farms in Seberang Prai have reported cases of African Swine Fever (ASF), taking the number of commercial pig farms affected in the state to 21.

Penang Chief Minister Chow Kon Yeow said the cases were reported in all three districts in Seberang Prai — Seberang Prai Utara (SPU), Seberang Prai Tengah (SPT) and Seberang Prai Selatan (SPS).

He said ASF was a highly contagious viral disease and all pig farm owners should immediately report such cases in their

farms to prevent further spread. "Although there are more pig farms reporting cases of ASF, there are also some farms whose results have come back negative for ASF.

"So, to say that the situation has worsened is not right as there are also farms that are free from ASF. We need to monitor the situation," he said.

Chow said 4,204 pigs from four farms in SPS were culled and buried.

He said the state Veterinary Services Department (DVS) would make the preparations for

further culling exercises.

"In two to three days, DVS will continue the culling exercise."

Last Thursday, it was reported that 18 pig farms with a total of 48,194 pigs were affected by ASF.

SPU was the latest district to record ASF cases, particularly in Kampung Selamat.

The culling exercise is being aggressively conducted and is expected to take several weeks to be fully completed. There are 124 pig farms in Penang — 64 in SPU, 52 in SPS, four in SPT and four on the island — involving a total of

267,348 pigs.

Meanwhile, Chow said affected pig farm owners would need to step forward to discuss compensation matters, which will be managed by DVS.

Compensation for each adult pig is between RM400 and RM800, with certain conditions.

"They need to work together with DVS to count the number of pigs in their farms that are being culled. They must immediately inform of any ASF case in their farm," said Chow.

On Jan 13, Penang declared the ASF outbreak in the state a "dis-

aster" after cases were reported in 11 commercial pig farms in SPS and SPT, involving 25,000 pigs.

The culling is being conducted through the use of carbon dioxide gas and in accordance with the Animal Welfare Code of Practice and Animal Disposal Management guidelines before the carcasses are buried.

The disease is not a danger to humans but can have a devastating impact on pig populations and the farming industry. There is no effective vaccine against ASF.

Kunjungi LKIM, bincang masa depan nelayan terjejas

Oleh **IBNU JANIE**
Foto **ABU ANAS**

KOTA MELAKA: Nasib dan masa depan nelayan pantai yang terjejas akibat aktiviti penambakan pasir menjadi topik utama perbincangan dalam satu pertemuan antara Ahli Parlimen PAS dengan pihak Lembaga Kemajuan Ikan Malaysia (LKIM) Melaka.

Ahli Parlimen Tangga Batu, Bakri Jamaluddin berkata isu-isu ini melibatkan nelayan di negeri ini khususnya dalam Wilayah Melaka Selatan dan Jasin yang terjejas teruk.

"Antara topik yang kami bincangkan secara mendalam adalah soal masa depan nelayan khususnya dalam Wilayah Melaka Selatan dan Jasin. Pendapatan nelayan di dua wilayah ini terjejas akibat dari projek penambakan laut.

"Mudah-mudahan hasil perbincangan kami dapat diketengahkan agar penyelesaian jangka panjang dapat dilakukan demi menjaga kelestarian industri perikanan negara," ujar beliau.

Kata beliau lagi, pertemuan tersebut turut membincangkan beberapa saranan sebagai solusi kepada masalah yang sedang berlaku ini.

"Antaranya sukan memancing, pelancongan laut dan meningkatkan populasi ikan dengan menambahkan tempat pembiakan ikan," ujarnya.

Beliau yang juga merupakan Timbalan Pesuruhjaya-1 PAS Melaka berkata demikian ketika dihubungi *Harakah* pada Khamis bagi mengulas pertemuan tersebut yang



Bakri Jamaluddin (kanan) menerima cenderahati dari Pengarah LKIM Melaka.



Bakri Jamaluddin dan Tuan Guru Zulkifli Ismail semasa sesi perbincangan dengan LKIM.

berlangsung di Kompleks LKIM di Muara Sungai Duyong, Padang Temu.

Pertemuan pada Selasa ini turut dihadiri Ahli Parlimen Jasin, Tuan Guru Zulkifli Ismail, Pengerusi Lajnah Asas Tani dan Alam Sekitar (LATAS) PAS Melaka, Jamarudin Ahmad dan Pengerus Pertubuhan Nelayan Kawasan Melaka Selatan dan Jasin Nasiruddin.

Terdahulu dalam pertemuan tersebut, rombongan ini turut diberikan taklimat berkaitan perkembangan terkini isu-isu berkaitan nelayan oleh Pengarah LKIM Melaka, Adib Syazwan Mohamad Hassan.

Kata Bakri lagi, di samping untuk membincangkan isu nelayan, lawatan ini juga bertujuan untuk membina hubungan baik dengan agensi kerajaan bagi mendapatkan maklumat tepat mengenai industri perikanan di negeri ini, isu kebaji-

kan nelayan dan dan keterjaminan makanan dari sumber protein.

"Dalam pertemuan ini kami juga berbincang alternatif yang ada dan idea baru bagi mempertahankan kelestarian sektor perikanan dan mempertingkatkan pendapatan sampingan nelayan.

"Lawatan ini sangat informatif. Kami dapat memahani peranan LKIM dan Persatuan Nelayan yang dibahagikan kepada tiga wilayah iaitu Melaka Barat - Masjid Tanah (Tanjung Bidara - Kuala Linggi); Melaka Selatan - Tangga Batu dan Kota (Pantai Kundur hingga Sungai Duyong) dan Jasin (Sebatu, Pantai Siring dan lain-lain)," ujar beliau.

Beliau turut berharap agar dengan lawatan ini, beliau bersama rakan Ahli Parlimen yang terlibat dapat memainkan peranan sebagai pemudah cara antara nelayan dengan agensi kerajaan berkaitan.

25/1/2023

HARIAN
METRO

BISNES

23



SUKARELAWAN Agrobank bersama 40 pelajar daripada latar belakang keluarga B40 berusia di antara tujuh hingga 12 tahun.

Agrobank anjur kempen bantu 40 pelajar

Kuala Lumpur: Agrobank menganjurkan program Huat Ah Shopping Spree, sebuah inisiatif di bawah tanggungjawab sosial korporat (CSR) bank untuk meringankan beban perbelanjaan persiapan sempena perayaan Tahun Baru Cina membabitkan pelajar daripada keluarga kumpulan B40 di sekitar Kota Kinabalu, Sabah.

Program julung kali anjuran Agrobank ini membabitkan 40 pelajar daripada latar belakang keluarga B40 berusia di antara tujuh hingga 12 tahun daripada 11 Sekolah Jenis Kebangsaan Cina (SJKC) dari sekitar Kota Kinabalu.

Wang tunai RM200 diperuntukkan kepada setiap pelajar yang dibelanjakan dengan bantuan sukarelawan

Agrobank untuk membeli pakaian baharu sempena Tahun Baru Cina serta keperluan asas lain bagi memenuhi keinginan peribadi mereka.

Presiden/Ketua Pegawai Eksekutif Agrobank, Datuk Tengku Ahmad Badli Shah Raja Hussin berkata, Agrobank mahu mendekati dan memahami keperluan anak daripada keluarga kurang

berkemampuan dengan membawa mereka membeli-belah dan memilih pakaian dan kasut baharu yang mereka idamkan.

“Usaha ini antara inisiatif melangkaui perbankan Agrobank untuk terus menyokong dan membantu komuniti setempat dalam memenuhi impian kecil dan sekaligus meringankan beban keluarga mereka,” katanya.

TARIKH	MEDIA	RUANGAN	MUKA SURAT
25/1/2023	KOSMO	NIAGA	38



PARA sukarelawan bergambar bersama penerima bantuan pada program tanggungjawab sosial korporat Agrobank di Kota Kinabalu baru-baru ini.

Agrobank bantu pelajar B40

PETALING JAYA – Agrobank menganjurkan program 'Huat Ah Shopping Spree' bagi meringankan beban perbelanjaan persiapan sambutan perayaan Tahun Baru Cina melibatkan pelajar-pelajar daripada keluarga kumpulan B40 di Kota Kinabalu baru-baru ini.

Program yang julung kali dianjurkan Agrobank itu membabitkan kira-kira 40 pelajar berusia antara tujuh dan 12 tahun daripada 11 buah Sekolah Jenis Kebangsaan Cina terpilih.

Wang tunai sebanyak RM200 diperuntukkan kepada setiap pelajar untuk dibelanjakan

dengan bantuan sukarelawan Agrobank bagi membeli pakaian baharu serta keperluan asas yang lain yang memenuhi keinginan peribadi mereka.

Presiden/Ketua Pegawai Eksekutif Agrobank, Datuk Tengku Ahmad Badli Shah Raja Husin berkata, pihaknya mahu mendekati dan memahami sendiri keperluan anak-anak daripada keluarga kurang berkemampuan dengan membawa mereka membeli-belah serta memilih sendiri pakaian dan kasut baharu yang diidamkan.

"Usaha ini merupakan salah satu daripada inisiatif melang-

kau perbankan Agrobank dalam terus menyokong dan membantu komuniti setempat memenuhi impian kecil mereka, sekali gus meringankan beban keluarga.

"Selain membeli keperluan Tahun Baru Cina, pelajar-pelajar ini turut diberikan pendedahan mengenai pengurusan wang secara berhemah dan bijak sebagai pendedahan awal kepada kaedah pengurusan wang yang betul di awal usia," katanya dalam satu kenyataan di sini semalam.

Turut hadir pada program berkenaan ialah Timbalan Menteri Pertanian dan Keterjaminan Makanan, Chan Foong Hin.

25/1/2023

UTUSAN
MALAYSIADALAM
NEGERI

12

Kerajaan perlu serius selesaikan masalah sekatan eksport induk ayam

Bekalan ayam bakal susut 40%

Oleh FAHMI FAIZ
fahmi.faz@mediamulla.com.my

PETALING JAYA: Negara berdepan ancaman keselamatan makanan serius kerana bekalan ayam seluruh negara dijangka menyusut 40 peratus menjelang Jun tahun ini.

Penyusutan tersebut, jika benar-benar berlaku, akan menyaksikan bekalan ayam di pasaran berkurangan daripada 2.2 juta ekor sehari, kepada cuma 1.3 juta ekor, iaitu kekurangan sebanyak 900,000 ekor ayam.

Sumber industri temakan ayam yang ditemui *Utusan Malaysia* semalam mendedahkan, isu kekurangan bekalan protein itu berlaku kerana penuliran wabak selesema burung yang serius di hampir seluruh negara di hemisfera utara terutama di Eropah dan Amerika Syarikat.

Katanya, Malaysia bergantung kepada import ayam pembiakan atau *parent stock* (PS) dari Kesatuan Eropah (EU) dan Amerika Syarikat. Malangnya, negara-negara tersebut kini mengetatkan eksport PS masing-masing lantaran wabak



Isu kekurangan bekalan protein itu berlaku kerana penuliran wabak selesema burung yang serius di hampir seluruh negara di hemisfera utara terutama di Eropah dan Amerika Syarikat.

yang mengancam nyawa manusia. "Bahawa jika mana-mana negara ada penyakit berkaitan unggas, mereka harus memaklumkan kepada *The Office International des Epizooties* (OIE), iaitu badan antarabangsa yang memantau penyakit berjangkit," katanya semalam.

Sumber berkata, kesan akibat sekatan eksport stok PS ke Malaysia, menyebabkan negara dijangka berdepan penyusutan kira-kira 900,000 ekor ayam sehari kerana tiada baka untuk dipelihara.

"Kita menjangka, berdasarkan hasil perbincangan dengan pemain industri minggu lepas, kira-kira 40 peratus bekalan ayam akan menyusut yang akan mula dirasai

yang mengeluarkan GPS, kepada 22 syarikat seluruh negara yang mengeluarkan PS. "Tapi, dalam 22 syarikat yang mengeluarkan PS ini, hanya 12 saja yang menggunakan pakai baka GPS daripada empat pembekal tadi manakala, 10 syarikat PS yang lain pula, menggunakan baka PS dari luar negara iaitu negara-negara di hemisfera utara terutama Eropah," kata sumber.

Pada masa sama, sumber berkata pihaknya difahamkan bahawa kerajaan juga sedang mencari alternatif lain mendapatkan bekalan GPS dan PS dari Australia dan New Zealand.

"Tapi, jika kerajaan gagal memujuk pemain industri ayam tempatan mengambil stok PS dari pembekal tempatan, atau gagal memastikan Australia atau New Zealand memeterai perjanjian pembekalan, maka kesannya, 40 peratus bekalan ayam akan menyusut bermula Jun tahun ini," kata sumber.

Sementara itu, sumber industri telur yang ditemui juga mengakui kesan sekatan eksport baka PS ayam penelur turut melanda sektor tersebut.

Berikut proses dalam industri ayam, dan bagaimana kartel mengawal proses-proses tersebut

1 STOK INDUK AYAM

Kartel kawal stok induk ayam, sama ada daripada sumber tempatan sedia ada mahupun yang diimport dari Amerika Syarikat, United Kingdom dan Kesatuan Eropah.

2 LADANG BAKA

Penghasilan telur ayam dari stok induk untuk penetasan

3 PUSAT PENETASAN

Penetasan telur ayam menjadi anak ayam (*day-old chick* atau DOC)

4 LADANG AYAM

Ada kira-kira 2,600 ladang mengeluarkan 2.2 juta ekor ayam dewasa sehari.

5 PENYEMBELIHAN DAN PEMROSESAN

Cuma 30 peratus diproses di kilang yang memenuhi piawaian keselamatan makanan bertaraf dunia.

6 PROSES LANJUTAN

Pengeluaran produk hiliran seperti ayam kisar, burger, sosej dan nuget ayam.

7 PEMASARAN DAN PENGEDARAN

Headline	Bekalan telur ayam kian pulih		
MediaTitle	SelangorKini		
Date	25 Jan 2023	Color	Full Color
Section	News	Circulation	250,000
Page No	17	Readership	750,000
Language	Malay	ArticleSize	74 cm ²
Journalist	N/A	AdValue	RM 726
Frequency	Weekly	PR Value	RM 2,178



Bekalan telur ayam kian pulih

SHAH ALAM - Kekurangan bekalan telur di negara ini semakin pulih berikutan langkah sementara iaitu mengimport bahan makanan itu, kata Menteri Pertanian dan Keterjaminan Makanan Mohamad Sabu.

Beliau berkata data Jabatan Veterinar menunjukkan kekurangan telur pada Disember lepas sebanyak sejuta berbanding sebelum itu iaitu November sebanyak 157 juta dan 118 juta pada Oktober, lapor Bernama.

"Saya bersama pengurusan tertinggi MAFS bertemu beberapa pengeluar utama telur untuk mencari jalan penyelesaian terbaik supaya bekalan dapat dipulihkan.

"Alhamdulillah, sekarang bekalan ayam dan telur sudah mula pulih, insya-Allah akan kembali stabil tidak lama lagi," katanya dalam kenyataan pada 17 Januari.

Disember lalu, kerajaan membenarkan kemasukan telur ayam dari India menerusi laluan udara bagi memastikan telur ayam yang diimport menepati piawaian.



Malaysia had achieved egg self-sufficiency before the current supply crisis. FILE PIC

SUPPLY SHORTAGE

'ABOLISHING EGG IMPORT APs UNSUSTAINABLE'

Govt should look into issues within the supply chain instead, says expert

AHMAD MUKHSEIN MUKHTAR
ALOR STAR
news@nst.com.my

ABOLISHING approved permits (APs) for the importation of eggs may not be a sustainable solution to the shortage of the food commodity.

Economist Dr Irwan Shah Zainal Abidin from Universiti Utara Malaysia said the government should instead identify issues within the supply chain since the country had achieved egg self-sufficiency before the current supply crisis.

"The problem of egg supply in the market is that upon examination of the country's self-sufficiency level, it becomes apparent that it exceeds 114 per cent. This indicates that there is a surplus," he said.

"Therefore, it is imperative to understand the root cause of the present crisis, as it is not a scarcity of supply. Eliminating APs for egg imports would only exacerbate the situation by creating a surplus of imported eggs, thereby depressing prices and rendering the selling of eggs unprofitable for local suppliers.

"It is crucial to remember that profitability for egg farmers and

suppliers is a key determinant of the stability of the supply of eggs. If they are unable to earn a profit, they may be inclined to manipulate the supply or prices of eggs," he told the *New Straits Times*.

Irwan, who is former director of the Asean Research Institute of Banking and Finance, said it was important to identify specific points of dysfunction within the supply chain that prevented suppliers from making a fair profit.

"Ultimately, it is traders and chicken farmers who supply these eggs and it is essential to acknowledge that they also seek to earn a profit. It is crucial to identify the specific problematic points within the supply chain that are contributing to the current shortage of eggs in the market.

"One potential area of concern may be the management of costs throughout the supply chain. Cost-related issues may be preventing egg suppliers from achieving profitability."

On Sunday, Bumiputera Retailers Association president Datuk Ameer Ali Mydin urged the government to remove APs for importing chicken eggs to stabilise supply and prices in the market.

Ameer said by doing so, the prices of eggs would be competitively set and a minimum reduction of 10 per cent in its price could be expected as more peo-

ple, including hypermarkets, could directly import eggs.

Irwan said that it might be more productive for the government to redirect its efforts away from price controls, as inflation persisted.

He said the government should instead prioritise creating high-paying jobs to enhance purchasing power and drive wages above the inflation rate, in addition to implementing other policies.

"To address the high cost of living, it's important to create high-income jobs. This will help people have more money to spend and push wages up above the rate of inflation.

"It's important to understand that lowering the prices of goods is not the solution. Even though inflation may be decreasing, prices are still going up, just at a slower rate.

"That is why Bank Negara Malaysia has not raised the overnight policy rate yet, but it may do so later in the year. So, our focus should be on creating jobs and increasing wages above inflation rates."

He also suggested that the government take several measures to alleviate the burden of the high cost of living on citizens, such as raising the minimum wage, providing direct financial aid, implementing a coupon system for essential goods and reducing public transportation costs.



Dr Irwan Shah
Zainal Abidin

TARIKH

MEDIA

RUANGAN

MUKA
SURAT

25/1/2023

UTUSAN
MALAYSIA

DALAM
NEGERI

6



Mencedung padi

KAEDAH menanam secara mencedung antara aktiviti penting dalam proses penanaman padi yang menjadi amalan pesawah tradisional.

Kaedah manual itu berkesan mengatasi isu padi angin dan menghasilkan padi lebih berkualiti disebabkan pokok padi memperoleh ruang yang secukupnya untuk menyerap nutrien.

Antara pesawah yang masih menggunakan kaedah tradisional itu adalah penduduk Kampung Temian Jerung, Pengkalan Berangan, Marang.

Terengganu.

Penanaman padi di Terengganu hanya dua kali dalam setahun kerana faktor musim tengkujuh menyebabkan ia tidak dapat ditanam dengan kerap.

■ **PENDUDUK** Kampung Temian Jerung, Pengkalan Berangan, Marang, Terengganu mencedung padi yang menjadi sumber rezeki mereka. - **UTUSAN/PUOTRA HAIRRY**